

SCRIPT OF MORNING GOJRI NEWS BULLETIN 24JUNE 1015 HRS

ما رنینگ گو جری نیو ز بلیٹن مو رخہ 24جون 2025

یوہ آکا شوانی جموں ہے عبیدالرحمان تیں خبر سُنو۔

LG INFRA

جموں کشمیر وستے مرکزی سرکار غی طرفوں 296 کلو میٹر لمی تے 10 ہزار 637 کروڑ روپیاں غی لاگت نال تعمیر کی جان آلی 19 بڑی سڑک تے ٹنل غی منظوری تیں بعد لیفٹیننٹ گورنر منوج سنہا نے کہیو ہے کہ یہ پروجیکٹ حکمت عملی غا لحاظ نال کافی اہمیت رکھیں بلکہ نقل و حمل تے انتظامی سہولت کاری تیں علاوہ فوجی دستاں غی نقل و حرکت وستے وی کافی اہمیت رکھیں غا موصوف نے کہیو کہ ان پروجیکٹاں نال نہ صرف جموں کشمیر غے اندر تعمیری ڈھانچہ نانہ فروغ ملے غو بلکہ کئی سیاحتی مقامات توڑی ان سڑکاں نال براہ راست رسائی حاصل وے غی۔ ایل جی موصوف نے وزیر اعظم نریندر مودی تے سڑک آمدرفت تے قومی شاہراہ 1 مرکزی وزیر نتن گڈکری غو ان پروجیکٹاں غی منظوری ور شکریو ادا کیو واضع رہ کہ ان پروجیکٹاں مانہ قومی شاہراہ 701 اے ور پیر غی گلی ٹنل این ایچ 701 ور سادنا ٹنل قومی شاہراہ 701 اے ور ڈاگنار شوپیاں سیکشن غی تعمیر لال چوک تیں پارم پورا توڑی 4 لین غو فلائیوور پُل گلمرگ ناربل قومی شاہراہ 701 اے ور 4 لین غا فلائی اوور تیں علاوہ قاضی گنڈ بائی پاس تے قومی شاہراہ 444 ور شوپیاں مانہ رام بہارا غا مقام ور 2 لین غا پُل غی تعمیر وی شامل ہے۔

LG JOB FAIR

لیفٹیننٹ گورنر منوج سنہا نے کہیو ہے کہ روزگار پیدا کرنا کاروبار غے زریعے خود روزگار فراہم کرنا تے نوجوانان غے اندر روزگار حاصل کرن غی تربیت تے تعلیمی نظام مانہ مزید بہتری سرکاری غی ترجیحات مانہ شامل ہیں ایل جی موصوف نے مزید کہیو کہ سال 2021 تیں جموں کشمیر غے اندر صنعتاں غا قیام وستے سرکار غی کوششاں نال نوجوان بے روزگار افراد براہ راست روزگار فراہم کرن آلا افراد نال جڑیا ہیں ایل جی موصوف کلشٹر یونیورسٹی جموں تے دیش بھگت یونیورسٹی پنجاب غا سانجہ تال میل نال پدماشری پدما سچدیو گورنمنٹ پوسٹ گریجویٹ کالج گاندھی نگر جموں مانہ ایک بڑا روزگار میلہ 2025 غا موقعہ ور بول رہیا تھا مزکورہ یونیورسٹیاں غی روزگار مہیا کران غی سانجی کوشش ور ایل جی موصوف نے خوشی غو اظہار کیو۔

DY CM MISSION YUVA

نائی ب وزیر اعلیٰ سریندر کمار چودھری غی صدارت مانہ گزشتہ روز سول سیکرٹریٹ سرینگر مانہ مشن یووا غے متعلق ایک اعلیٰ سطحی جائیزہ میٹنگ منعقد ہوئی اس دوران مشن ڈائریکٹر نے مجموعی حصولیابی رپوٹ پیش کی تے دسیو کہ مشن یووا غے تحت 1 لکھ 37 ہزار نوا کاروبار کھولیا گیا ہیں تے جموں کشمیر غے اندر 4 لکھ 25 ہزار افراد نانہ روزگار غا موقعہ فراہم ہویا ہیں اس موقعہ ور نائب وزیر اعلیٰ نے مشن غی حصولیابیاں ور کوشی غو اظہار کی وے کہیو کہ اس مشن غے تحت دتی جان آلی مالی معاونت نانہ مزید بدھایو جے تانجے بے روزگار افراد وستے اپنا ذاتی کاروبار کھولنو مزید آسان ہو جئیں۔

RANA DELEGATIONS

جل شکتی تے قبائلی امور غا وزیر جاوید احمد رانان نے گزشتہ روز ضلع پونچھ غی تحصیل مینٹر مانہہ اپنا بیان غیدوران کہیو کہ عوامی شکایات ور اطمنان بخش کاروائی موجودہ حکومت غی ترجیحات مانہہ شامل ہے میندھر مانہہ عوام تے وفود نال ملاقات غیدوران جناب رانان نے سڑک رابطان طبعی سہولتات تے قبائلی فلاح وبہبود غے متعلق عوامی شکایات سنی تے عوام نانہہ یقین دوايو کہ اُن غی تمام شکایات غو ازالو کیو جے غو۔

KATHUA ANTI FLOOD

ڈپٹی کمشنر کٹھوعہ ڈاکٹر راکیش کمار نے گزشتہ روز ایک اعلیٰ سطحی میٹنگ غے دوران برسات غا موسم مانہہ سیلاب غی روک تھام وستے کیا گیا انتظامات غو جائیزو لیو اس دوران ڈی سی دفتر احاطہ غیاندر ایک کنٹرول روم قائم کرن غو فیصلو لیو گیو جہیزو 1 جولائی 2025 تیں شروع وے غو اس تیں علاوہ ڈی سی موصوف نے محکمہ مال پولیس محکمہ صحت تے سیلاب ور قابو پان آلا محکمہ گا سانجہ تال میل نال ہر طرح غی ہنگامی صورتحال نال نبڑن غی ضرورت ور زور پایو۔

PM MKB

وزیر اعظم نریندر مو دی مُلک تے بیرون مُلک رہ رہیا بھارتی شہریاں سنگ آئندہ 29 جون نانہہ آکاش وانی ور من کی بات پروگرام مانہہ اپنا خیالات سانجہ کریں گایاہ ماہانہ ریڈیو پروگرام من غی بات غی 123 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ریکارڈ کراسکیں۔ اس توں علاوہ نریندر مو دی ایپ یاہ فر مائی گوو اوپن فورم ور وی اپنا خیالات تے تجویز روانہ کی جا سکیں۔ اس مہینہ غی 27 تاریخ توڑی ریکارڈ کرائی جاسکیں غی۔ یوہ پروگرام آکاش وانی، دور درشن، اے آئی آر نیوز ویب سائٹ تے نیوز آن لائن مو بائل ایپ ور نشر تے ٹیلی کا سٹ کیو جائے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلاعات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جائے گو۔ آکاش وانی اس پروگرام غی بندی نشریات غے فوراً بعد اس نانہہ علاقائی زبانان مانہہ وی نشر کرے گو۔

PROG ANNOUNCEMENT

علاقائی خبراں آلو شعبو آکاش وانی جموں 24 جون 2025 منگلوار آلے تہاڑے 12 بج غے 30 منٹ ور اوپریشن سندھو ور 20 منٹ غو ایک خاص پروگرام پیش کرے غو اس دوران اس پروگرام گا مہمان جموں کشمیر گا سنئیر صحافی دنیش منہوترا ایران تے اطرا عیل بشکار موجودہ تناز گے دوران اوپریشن سندھو ور تفصیلی گل بات کریں گا یاد رہ جے اس اوپریشن غے تحت ایران تیں متا سارا بھارتی شہریاں نانہہ باحفاظت اپنا ملک آنیو گیو ہے یا درہ جے اس پروگرام گی میزبانی اینکر وجے بجاج تے ابھیلاشا شرما کریں غی یوہ پروگرام آکاش وانی جموں توں میڈیم ویو 303 میٹر یعنی 990 کلو ہٹز تے ایف ایم اشاریہ 3 میگا ہٹز ور نشر کیو جے غو۔

CRICKET

ہیڈنگلی لیڈز مانہ انڈورسن ٹنڈولکر اعزاز غا پہلا ٹسٹ میچ مانہ بھارت نے انگلینڈ نانہ جتن واسطے 371 دوڑاں غو ہدف دتو ہے چوتھ ادن غا کھیڈ مقابلہ غا اخیر ور انگلینڈ نے اپنی دوجی اننگز مانہ بغیر کسی نقصان غے 21 دوڑاں غو سکور بنالیو تھو۔ تے بھارت نے اپنی دوجی اننگز مانہ 364 دوڑاں غو سکور بنالیو لیکن کھیڈ غا آخری مرحلہ مانہ بھارت غا سارا بلے باز آؤٹ ہو گیا۔
